

жаеши и претерпеши, то нетленная ти воздаст || и неистошаемая; хо- л. 563  
щешши ли на небо възти, то истии плоть да легок будешши, в возлетение  
конь, аще ся объяст, борзо не рыщет, тако же и человек во всем обле-  
нится. Ты же похотем одолен,<sup>т</sup> молитвы и пост помогают ти, чай всегда  
владыки грядуща. Иже убо ум чист предъявити богу хотящу, и печалми  
житейскими колебаяся, подобен есть тому, иже свои нозе крепче связав  
и борзо окушается тещи. Иже в вас есть добр и любит жизнь, ниже хо- л. 563 об.  
щет видети мирны дни, да удержит от зла язык свой и положит, еже не  
глаголати лъсти мнози, бо не зело имуще разума, иже языком подающе ||  
по вся дни и падении неисцелными, яко подобает имети кроток язык,  
никако же тебе бесчестие срящет, яко подобает примати с разсуждением  
приносима.

Рече святой Аммон, что блюсти себе известно сее примати, что от  
кого токмо еже известиши си, яко бог вдал ти, яже видиши от плод пра-  
ведных и сия с миром и со всякою любовию — приемли, а елико же ви-  
диши от неправды и лъсти, и свара, и лицемерия — отрини сия и отверзи,  
таковая помышляя, яко лутчи часть мала со страхом господним, нежели  
многа жита без правды.

Святой Исаак рече: Не мни, яко же || имети злато или сребро — токмо л. 564  
сребролюбие есть. Но к чесому убо помысл да прилежит? И господь  
рече: Идеже есть сокровище ваше, ту и сердце ваше будет, или в боже-  
ственных или в земных вещех мудрованиих. И паки рече: Не жена зла,  
но блуд, ни богатство зло, но сребролюбие, ни вино, но пьянство, ни  
естественный гнев вданный да мучим грех, но примати его на тожде род-  
ныя люди, ни власть, но властолюбие, ни слава, но славолубие, и злейши  
сего тщеславие, ни добродетель стяжати, но кичитися имуща, ни разум,  
но мнети себе ведца, яко же и злейши сего, еже не знати свое неразумие,  
ни истинный разум, но ложный, || не мир есть зол, но страсти, ни естество, л. 564 об.  
но аже чрез естество, ни совокупление, но зол совет и не бывающее на  
пользу души, ни уди телеснии, ни лихоимство сих, ни бо да желаем, яже  
не подобает ни зрети е.

Рече преподобный Мина: Мнози от мних расточиша имения и оста-  
виша отца и матерь, братию и сродники бога ради; вшедше же в мона-  
стырь от малых и ничто же сущих, запеншеся, и быша подручницы бесом,  
зане стяжаша себе мирския вещи — книги украшении, сусуди различны,  
убрусца пестры имещца, и держаще овощия и ризы светлы и поясы  
пестры. Иже от неправде || ходящих научишася, прокляти еже паче, а не л. 565  
благословение получиша и во тьму кромешнюю посылаются по глаголю-  
щему писанию: Прокляти бо, рече, не ходяй по преданию отеческому!  
И паки рече: Творяй дело божие с небрежением, участию<sup>у</sup> убо Ананию<sup>ф</sup>  
с Сапфиною сподобишася, ученицы бо их и наследницы сами сотворишася.

Яко же и Георгий преподобный рече: Горе нам, братие, яко ни еди-  
ного умиления не имама, но в не разсуждении живем, дни своя провожа-  
юще, и не боимся, яко при дверех есмы, и се гнев божий приходит на нас.

Пишет в старчестве || о преподобном Еустафии, иже даст село в Де- л. 565 об.  
вичь монастырь, и истязан бысть от бога сего ради дания; рекшу к нему  
яко инокиням оставя о своей души попечение которатися с мирскими  
о селех и виноградах, и испоручен бысть сея истязания пречистою бо-  
гоматерию, и ходатайством о нем преподобнаго Исидора Пилусийскаго,  
донде же взем село то продаст, и злато им вдаст, и избысть истязания, и  
по сем бысть мних и отиде в манастырь и спасеся.

<sup>т</sup> В рук. одолей.    <sup>у</sup> В рук. участие.    <sup>ф</sup> В рук. Ананий.